

優婆塞戒經受戒品

C40
4514
(92)

80  
1  
2  
3  
4  
5  
6  
7  
8  
9  
90  
1  
2  
3  
4  
5  
6  
7  
8  
9  
100  
1  
2  
3  
4  
5  
6  
7  
8  
9



C40-45-14

了翁上座請六藏及有  
家書置之武州崇慶山  
我後安路院廂府中永  
為學省不設許出院內  
當山二世鐵牛機謹誌



B 64853

優婆塞戒經受戒品

北凉天竺三藏法師曇無讖於姑臧譯

善生言世尊在家菩薩云何得受優婆塞戒善男子  
在家菩薩若欲受持優婆塞戒先當次第供養六方  
東方南方西方北方下方上方言東方者卽是父母  
若有人能供養父母衣服飲食臥具湯藥房舍財寶  
恭敬禮拜讚歎尊重是人則能供養東方父母還以  
五事報之一者至心愛念二者終不欺誑三者捨財  
與之四者爲娉上族五者教以世事  
南方者卽是師長若有人能供養師長衣服飲食臥

支那

優婆塞戒經受戒品



具湯藥尊重讚歎恭敬禮拜早起晚臥受行善教是人則能供養南方是師復以五事報之一者速教不令失時二者盡教不令不盡三者勝已不生妒嫉四者持付嚴師善友五者臨終捨財與之

西方者卽是妻子若有人能供給妻子衣服飲食臥具湯藥瓔珞服飾嚴身之具是人則能供養西方是妻子復以十四事報一者所作盡心營之二者常作終不懈慢三者所作必令終竟四者疾作不令失時五者常爲瞻視賓客六者淨其房舍臥具七者愛敬言則柔輒八者僮使輒言教詔九者善能守護財物

十者晨起夜寐十一者能設淨食十二者能忍教誨十三者能覆惡事十四者能瞻病苦

北方者卽善知識若有人能供施善友任力與之恭敬輒言禮拜讚歎是人則能供養北方是善知識復以四事而還報之一者教修善法二者令離惡法三者有恐怖時能爲解救四者放逸之時能令除捨下方者卽是奴婢若人能供給奴婢衣服飲食病瘦醫藥不罵不打是人則能供養下方奴婢復以十事報之一者不作罪過二者不待教作三者作必令竟四者疾作五者主雖貧窮終不捨離六者早起七者

守物八者少恩多報九者至心敬念十者善覆惡事  
上方者卽是沙門婆羅門等若有供養沙門婆羅門  
衣服飲食房舍臥具病瘦醫藥怖時能救饑世施食  
聞惡能遮禮拜恭敬尊重讚歎是人則能供養上方  
是出家人以五事報一者教令生信二者教生智慧  
三者教令行施四者教令持戒五者教令多聞  
若有供養是六方者是人則得增長財命能得受持  
優婆塞戒

善男子若人欲受優婆塞戒增長財命先當諮啓所  
生父母父母若聽次詢妻子奴婢僮使此輩若聽次  
白國主國主聽已誰有出家發菩提心者便往其所  
頭面作禮輒言問訊作如是言大德我是丈夫具男  
子身欲受菩薩優婆塞戒唯願大德憐愍故聽  
是時比丘應作是言汝父母妻子奴婢國主聽不  
若言聽者復應問言汝不負佛法僧物及他物耶  
若言無者復應問言汝不於比丘比丘尼所作非法  
耶

若言不作復應問言汝不作五逆罪耶

若言不作復應問言汝不作盜法人耶

若言不作復應問言汝非二根壞八戒齋父母師病



不棄去耶不殺發菩提心人盜現前僧物兩舌惡口於母姊妹作非法耶不於大眾作妄語耶

若言無者復應語言善男子優婆塞戒極爲甚難何以故是戒能爲沙彌戒大比丘戒及菩薩戒乃至阿耨多羅三藐三菩提而作根本至心受持優婆塞戒則能獲得如是等戒無量利益若有毀破如是戒者則於無量無邊世中處三惡道受大苦惱汝今欲得無量利益能至心受不

若言能者復應語言優婆塞戒極爲甚難若歸佛已寧捨身命終不依於自在天等若歸法已寧捨身命終不依於外道典籍若歸僧已寧捨身命終不依於外道邪衆汝能如是至心歸依於三寶不

若言能者復應語言善男子優婆塞戒極爲甚難若人歸依於三寶者是人則爲施諸衆生無怖畏已若人能施無怖畏者是人則得優婆塞戒乃至阿耨多羅三藐三菩提汝能如是施諸衆生無怖畏不

若言能者復應語言人有五事現在不能增長財命何等爲五一者樂殺二者盜三者邪淫四者妄語五者飲酒一切衆生因殺生故現在獲得惡色惡力惡名短命財物耗減眷屬分離賢聖呵責人不用他

人作罪橫罹其殃是名現在惡業之果捨此身已當墮地獄多受苦惱飢渴長命惡色惡力惡名等事是名後世惡業之果若得人身復受惡色短命貧窮是一惡人因緣力故令外一切五穀果蔬悉皆減少是人殃流及一天下

善男子若人樂偷是人亦得惡色惡力惡名短命財物耗減眷屬分離他人失物於已生疑雖親附人人不見信常爲賢聖之所呵責是名現在惡業之果捨此身已墮於地獄受得惡色惡力惡名飢渴苦惱壽命長遠是名後世惡業之果若得人身貧於財物雖

得隨失不爲父母兄弟妻子之所愛念身常受苦心懷愁惱是一惡人因緣力故一切人民凡所食噉不得色力是人惡果殃流萬姓

善男子若復有人樂於妄語是人現得惡口惡色所言雖實人不信受衆皆憎惡不喜見之是名現世惡業之報捨此身已入於地獄受大苦楚飢渴熱惱是名後世惡業之報若得人身口不具足所說雖實人不信受見者不樂雖說正法人不樂聞是一惡人因緣力故一切外物資產減少

善男子若復有人樂飲酒者是人現世喜失財物身



撰述  
佛道集形體身形  
心多病常樂鬪諍惡名遠聞喪失智慧心無慚愧得  
惡色力常爲一切之所呵責人不樂見不能修善是  
名飲酒現在惡報捨此身已處在地獄受飢渴等無  
量苦惱是名後世惡業之果若得人身心常狂亂不  
能繫念思惟善法是一惡人因緣力故一切外物資  
產臭爛

善男子若復有人樂爲邪姪是人不能護自他身一  
切衆生見皆生疑所作之事妄語在先於一切時常  
受苦惱心常散亂不能修善喜失財物所有妻子心  
不戀慕壽命短促是名邪姪現在惡果捨此身已處

在地獄受惡色力飢渴長命無量苦惱是名後世惡  
業果報若得人身惡色惡口人不喜見不能守護妻  
妾男女是一惡人因緣力故一切外物不得自在  
善男子是五惡法汝今真實能遠離不

若言能者復應語言善男子受優婆塞戒有四事法  
所不應作何等爲四爲貪因緣不應虛妄爲瞋恚癡  
恐怖因緣不應虛妄是四不應法汝能離不

若言能者復應語言善男子受優婆塞戒有五處所  
不應遊屠兒姪女酒肆國王旃陀羅舍如是五處汝  
能離不

若言能者復應語言善男子受優婆塞戒有五事所不應作一者不賣生命二者不賣刀劍三者不賣毒藥四者不沽酒五者不墜油如是五事汝能離不若言能者復應語言善男子受優婆塞戒復有二事所不應爲一者不作羅網二者不作藍染三者不作釀皮如是三事汝能離不

若言能者復應語言善男子受優婆塞戒復有二事所不應爲一者携蒲團基六博二者種種歌舞妓樂如是二事汝能離不

若言能者復應語言善男子受優婆塞戒有四種人不應親近一者春博二者飲酒三者欺誑四者酤酒如是四人汝能離不

若言能者復應語言善男子受優婆塞戒有法放逸所不應作何等放逸寒時熱時飢時渴時多食飽時清旦暮時懔時作時初欲作時失時得時怖時喜時賊難殺貴時病苦少壯年衰老時富時貧時爲命財時如是時中不修善法汝能離不

若言能者復應語言善男子受優婆塞戒先學世事旣學通達如法求財若得財物應作四分一分應供父母已身妻子眷屬二分應作如法販轉留餘一分



藏積俟用如是四事汝能作不

若言能者復應語言善男子財物不應寄付四處一者老人二者遠處三者惡人四者大力如是四處不應寄付汝能離不

若言能者復應語言善男子受優婆塞戒有四惡人常應離之一者樂說他過二者樂說邪見三者口軟心惡四者少作多說是四惡人汝能離不

若言能者應令人滿六月日親近承事出家智者智者復應至心觀其身四威儀若知是人能如教作過六月日和合衆僧滿二十人作白羯磨大德僧聽

是某甲今於僧中乞受優婆塞戒滿六月中淨四威儀至心受持淨莊嚴地是人丈夫具男子身若僧聽者僧皆默然不聽者說

僧若聽者智者復應作如是言善男子諦聽諦聽僧已和合聽汝受持優婆塞戒是戒卽是一切善法根本若有成就如是戒者當得須陀洹果乃至阿那含果若破是戒命終當墮三惡道中

善男子優婆塞戒不可思議何以故受是戒已雖受五欲而能不障須陀洹果至阿那含果是故名爲不可思議汝能憐愍諸衆生故受是戒不

若言能受爾時智者次應爲說三歸依法第二第三亦如是說受三歸已名優婆塞

爾時智者復應語言善男子諦聽諦聽如來正覺說優婆塞或有一分或有半分或有無分或有半分或有滿分若優婆塞受三歸已不受五戒是名優婆塞若受三歸受持一戒是名一分受三歸已受持二戒是名少分若受三歸持二戒已若破一戒是名無分若受三歸受持四戒是名多分若受三歸受持五戒是名滿分汝今欲作一分優婆塞作滿分耶若隨意說爾時智者當隨意授

既授戒已復作是言優婆塞者有六重法

善男子優婆塞戒雖爲天女乃至蟻子悉不應殺若受戒已若口教殺若身自殺是人卽失優婆塞戒是人尚不能得暎法况須陀洹至阿那含是名破戒優婆塞臭旃陀羅優婆塞結優婆塞是名初重優婆塞戒雖爲身命不得偷盜乃至一錢若破是戒是人卽失優婆塞戒是人尚不能得暎法况須陀洹至阿那含是名破戒優婆塞臭旃陀羅垢結優婆塞是名二重優婆塞戒雖爲身命不得虛說我得淨觀至阿那含若破是戒是人卽失優婆塞



撰述  
戒是人尚不能得暎法况須陀洹至阿那合是名破  
戒優婆塞臭旃陀羅垢結優婆塞是名三重優婆塞  
戒雖爲身命不得邪姪若破是戒是人卽失優婆塞  
戒是人尚不能得暎法况須陀洹至阿那合是名破  
戒優婆塞臭旃陀羅垢結優婆塞是名四重優婆塞  
戒雖爲身命不得宣說比丘比丘尼優婆塞優婆夷  
所有過罪若破是戒是人卽失優婆塞戒是人尚不  
能得暎法况須陀洹至阿那合是名破戒優婆塞臭  
旃陀羅垢結優婆塞是名五重優婆塞戒雖爲身命  
不得酤酒若破是戒是人卽失優婆塞戒是人尚不

能得暎法况須陀洹至阿那合是名破戒優婆塞臭  
旃陀羅垢結優婆塞是名六重

善男子若受如是優婆塞戒能至心持不令毀犯則  
能獲得如是戒果

善男子優婆塞戒名爲瓔珞名爲莊嚴其香微妙熏  
無不遍遮不善法爲善法律卽是無上妙寶之藏上  
族種姓大寂靜處是甘露味生善法地直發是心尚  
得如是無量利益况復一心受持不毀

善男子如佛說言若優婆塞受持戒已不能供養父  
母師長是優婆塞得失意罪不起墮落不淨有作

若優婆塞受持戒已耽樂飲酒是優婆塞得失意罪不起墮落不淨有作

若優婆塞受持戒已惡心不能瞻視病苦是優婆塞得失意罪不起墮落不淨有作

若優婆塞受持戒已見有乞者不能多少隨宜分與空遣還者是優婆塞得失意罪不起墮落不淨有

作

若優婆塞受持戒已若見比丘比丘尼長老先宿優婆塞優婆夷等不起承迎禮拜問訊是優婆塞得失意罪不起墮落不淨有作

若優婆塞受持戒已若見比丘比丘尼優婆塞優婆夷毀所受戒心生僇慢言我勝彼彼不如我是優婆塞得失意罪不起墮落不淨有作

若優婆塞受持戒已一月之中不能六日受持八戒供養二寶是優婆塞得失意罪不起墮落不淨有作

六日即六齋日每月初八十四十五廿三廿九三十月小廿八補入戒即八關齋戒不殺不盜不姪不妄語不飲酒不坐高廣大牀不著花鬘瓔珞及香油塗身薰衣不自歌舞往聽不過中食婆沙云齋以不過中食為體以人事助成齋體共相文持又各八支齋法此通俗人受以一日一夜為期

若優婆塞受持戒已四十里中有講法處不能往聽是優婆塞得失意罪不起墮落不淨有作



若優婆塞受持戒已受招提僧臥具牀坐是優婆塞  
得失意罪不起墮落不淨有作

若優婆塞受持戒已疑水有蟲故便飲之是優婆塞  
得失意罪不起墮落不淨有作

若優婆塞受持戒已險難之處無伴獨行是優婆塞  
得失意罪不起墮落不淨有作

若優婆塞受持戒已獨宿尼寺是優婆塞得失意罪  
不起墮落不淨有作

若優婆塞受持戒已為於財命打罵奴婢僮僕外人  
是優婆塞得失意罪不起墮落不淨有作

若優婆塞受持戒已若以殘食施於比丘比丘尼優  
婆塞優婆夷是優婆塞得失意罪不起墮落不淨有  
作

若優婆塞受持戒已若畜猫狸是優婆塞得失意罪  
不起墮落不淨有作

若優婆塞受持戒已畜養象馬牛羊駝驢一切畜獸  
不作淨施求受戒者是優婆塞得失意罪不起墮落

不淨有作  
若優婆塞受持戒已若不儲畜僧伽梨衣鉢錫杖是

優婆塞得失意罪不起墮落不淨有作

若優婆塞受持戒已若爲身命須田作者不求淨水及陸種處是優婆塞得失意罪不起墮落不淨有作若優婆塞受持戒已爲於身命若作市易斗秤賣物一說價已不得前却捨賤趣貴斗秤量物任前平用如其不平應語令平若不如是是優婆塞得失意罪不起墮落不淨有作

若優婆塞受持戒已若於非處非時行欲是優婆塞得失意罪不起墮落不淨有作

若優婆塞受持戒已商估販賣不輸官稅盜棄去者是優婆塞得失意罪不起墮落不淨有作

若優婆塞受持戒已若犯國制是優婆塞得失意罪不起墮落不淨有作

若優婆塞受持戒已若得新穀果蔬菜茹不先奉獻供養三寶先自受者是優婆塞得失意罪不起墮落不淨有作

若優婆塞受持戒已若不聽僧說法讚歎輒自作者是優婆塞得失意罪不起墮落不淨有作

若優婆塞受持戒已道路若在比丘沙彌前行是優婆塞得失意罪不起墮落不淨有作

若優婆塞受持戒已僧中付食若偏爲師選擇美好



過分與者是優婆塞得失意罪不起墮落不淨有作  
若優婆塞受持戒已若養蠶者是優婆塞得失意罪  
不起墮落不淨有作

若優婆塞受持戒已行路之時遇見病者不住瞻視  
爲作方便付囑所在而捨去者是優婆塞得失意罪  
不起墮落不淨有作

善男子若優婆塞至心能受持如是戒是人名爲優  
婆塞中分陀利華優婆塞中微妙上香優婆塞中清  
淨蓮華優婆塞中真實珠寶優婆塞中丈夫之人  
善男子如佛所說菩薩二種一者在家二者出家出

家菩薩名比丘在家菩薩名優婆塞出家菩薩持出  
家戒是不爲難在家菩薩持在家戒是乃爲難何以  
故在家之人多惡因緣所纏繞故

優婆塞戒經受戒品

人知佛之有戒亦知戒之當持然不知戒相之差  
別戒義之精微而曰我能持戒亦難矣况乎優婆  
塞者爲有家之累外則人情雜沓內則百慮糾纏  
且一受之後置之言閣更難矣今晉之夏居士摘  
錄優婆塞戒經之受戒一品刊刻別行俾知六方  
之敬六月之遲履踐之精微持毀之罪福條分縷

析精義萬端優婆塞其易稱乎能於此品潛心討  
 究身體力行譬猶三百二千精詣熟諳雖折旋俯  
 仰之儀官止神行雍雍皆禮樂矣此品之錄  
 毘尼寶塔豈曰一拳石之助哉夏居士宏願已具  
 如左見聞者何以自願

菩薩戒弟子大賢敬跋

崇禎五年四月八日海鹽金粟弟子夏通燈誓心  
 持此一品復又稱贊刻板印施專願先考夏鼎臣  
 先妣徐氏次薦亡室湯氏亡弟夏兆泰亡男夏昌  
 胤同生天界普願在家菩薩立制精進住三聚淨  
 戒覺行  
 圓滿者

板藏嘉興楞嚴寺流通





